

田賦

祁縣志卷三

祁縣知縣陳

時編

縣治 行署 倉場附

自北魏太和由祁城再徙今治明以前舊蹟不少概見惟治南譙樓有宋天聖鐘存焉志載洪武初邱建立衙署

本朝來疊加葺理規制畧詳輿圖夫以臨長出治之匪徒體肅觀瞻一邑圖籍文案廡庫餉糧具在不綦重歟至于行署局院倉場亦聽政者所時身親經歷處也因附及之志縣治

山西省圖書館  
地方文獻

縣治在城西街明洪武三年縣丞邱昱建中爲堂前爲  
戒石亭左爲庫房外爲儀門東列軍器架閣庫吏戶  
禮曹西列承發司兵刑工曹堂後爲內宅東曹後典  
史宅吏舍在西曹之後舊厝在西曹之南旌善亭在  
縣門外左申明亭在縣門外右儀門左有土地祠迎  
賓館預備倉儀門右有犴獄有馬廐正南爲譙樓大  
門進士閣繩芳記之創始者明縣丞邱昱繼仿者知  
縣王肩張上達劉銳車錦魏域而賓館倉房則前令  
張應舉所拓新也萬歷二十五年知縣韓朝貢易獄

牆內外爲磚牆高一丈五尺虎頭獄門一座小獄門  
一座建磚倉厰二座以藏積穀崇正十七年流賊焚  
燬正堂五間康熙十二年知縣陳祖法重建二十八  
年知縣王益聰加脩康熙四十二年知縣高瓚臣改  
一賓館倉房土地祠爲關聖廟左祀鄧侯右祀土地神  
乾隆四十年知縣羅興禧重脩

縣丞宅在庫東今裁

教諭宅在學宮旁

訓導二員今裁

主簿宅在堂西今裁

龍舟谷巡檢司在北關明洪武三年設今裁

盤陀遞運所在紫紅鎮明洪武七年設今裁

典史宅在縣堂東

賈令驛驛丞在賈令驛今裁

盤陀驛驛丞在盤陀驛今裁

陰陽學醫學俱在城東街洪武二十三年建

僧會司在上生寺

道會司在太清觀

行署

西關公館明知縣韓朝貢建

來遠公館舊有三所明知縣王牧建今存其一

盤陀公館在驛西明嘉靖十五年參政高叔嗣檄置

紫紅分司舊社倉基也知縣韓朝貢建知縣趙德重建

今遺址猶存

察院行臺在縣西街明洪武中建隆慶間知縣魏域重

修今改爲社倉

布政分司在縣東街明洪武中建知縣魏域重繕今爲

城守尉署

按察分司在城南街東巷久廢遺址今爲猪羊市  
太守行署在察院巷西明洪武中建知縣魏域重脩今  
爲節孝祠

新韓鎮察院行臺明知縣韓朝貢建今亡

養濟院舊在城隍廟東逼城陰冷知縣趙德於明萬曆  
三十一年改建在北門外邑厲壇之北

育嬰堂在縣小東街康熙四十五年知縣朱程建

漏澤園有二一在縣西十里舖西計地二十四畝邑人

李熹施知縣張應舉置一在縣東龍濟橋東路北

惠民局在縣治西明知縣王牧建今廢

倉場附

預備倉在縣大門內東東西南厰房各五間明知縣張  
應舉建北厰房五間中亭一座知縣陳祖法建又大  
門內西舊西厰房五間北厰房三間康熙五十三年  
知縣姚韻增建東厰房五間雍正五年知縣羅著藻  
增建西厰房五間歲久舊西厰房及東厰房漸就傾  
圮乾隆四十四年知縣陳時重建

義倉在城西街栢葉巷

社倉舊有三一在賈令鎮堡北門外一在西六支堡路  
東一在紫紅鎮館驛西今移本城舊察院行臺地  
草場舊在城東南隅因知縣韓朝貢於學西建書院知  
縣趙德於學西建麟鳳發祥坊俱係戴氏之地給帖  
兌抵草場改在城隍廟東養濟院遺址今在縣西馬  
王廟後

學校

化民成俗教學爲先說禮樂而敦詩書晉霸得諡爲  
文矧欽明濬哲文命祇承爲二帝一王甸服之遺經  
聖朝久道涵濡百三十餘年觀乎人文以化成天下其  
必由學乎祁邑聲名文物爲一郡最夫民風闢乎十  
習長令司鐸將欲廸繼起而範先型尚於果行育德  
經義治事加之意乎記曰三王四代惟其師此物此  
志也志學校

學宮在縣治東南舊在城南街東巷按察分司地金大

定中知縣傅弼創立明洪武三年縣丞張宏重建十  
六年知縣楊仲居脩天順間叅政楊璿知縣王肩增  
葺嘉靖二年巡按御史王秀檄縣令楊本源改建縣  
治東南督學周宣記中爲大成殿五間東西爲廡各  
七間前爲戟門三間兩旁爲名宦鄉賢祠各三間南  
爲櫺星門外豎木坊二座明倫堂五間在殿之左居  
仁由義各五間在堂之側禮門在兩齋之前儒學門  
在禮門之前敬一亭在學門左崇聖祠在明倫堂後  
教諭訓導宅凡三所則附敬一亭旁一修於萬歷九

年知縣張應舉再修於萬歷二十五年知縣韓朝貢  
東建文昌閣西建書院萬歷三十一年知縣趙德於  
城南牆下築土爲臺兩旁爲雲路俱用磚砌上建登  
雲樓一座甬路直達櫺星門下建文廟坊一座德配  
天地道貫古今二坊又東西離十餘丈許建興賢育  
才二坊戟門增高三尺許殿後建尊經閣五間萬歷  
四十六年知縣李元重修崇正十四年知縣崔錫胤  
教諭張珮訓周加欄柵易興賢爲奎婁聚曜坊育才  
爲慶鳳發祥坊順治十六年知縣郭澤重修藏運

記正殿兩廡蔚然一新移置廟前照壁於南城下又塞東廡旁門以培秀氣至康熙四十四年凡尊經閣櫺星門登雲樓雲路及各坊並頽壞傾圮知縣朱理重修又移置照壁於文廟坊北五十七年知縣姚韻雍正七年知縣羅著藻加修乾隆九年知縣朱濶於櫺星門內開泮池一泓櫺星門外鑿井二乾隆三十三年知縣汪濤教諭樊廷揚重修教諭宅右建講堂三間

正殿

至聖先師孔子

四配

復聖顏子

諱回字子淵魯人

述聖子思子

諱伋字子思至聖孫

在殿內東傍西向

宗聖曾子

諱參字子輿南武城人

亞聖孟子

諱軻字子輿一作子車鄒人

在殿內西傍東向

十哲



閔子諱損字子騫魯人

冉子諱雍字仲弓鄭康成曰魯人

端木子諱賜字子貢衛人

仲子諱由字子路一字季路尸子史記晉云卞人一云衛人

卜子諱商字子夏衛人鄭康成曰溫國卜商

在殿內次東西向

冉子諱耕字伯牛鄭康成曰魯人

宰子諱予字子我鄭康成曰魯人

冉子諱求字子有鄭康成曰魯人

言子諱偃字子游吳人

顓孫子諱師字子張陳人

在殿內次西東向

朱子諱熹字元晦一字仲晦宋婺源縣人

在殿內次東西向

東廡先賢

蘧子諱瑗字伯玉衛人

澹臺子諱滅明字子羽孔安國曰魯人

原子諱憲字子思鄭康成曰魯人檀弓云仲憲宋人

南宮子諱适字子容家語云韜史記云括孔安國曰魯人

商子諱瞿成都周公禮殿聖賢

漆雕子諱開字子開家語云字子若

同馬子諱耕字子牛家語云犁耕

有子諱若字子若一字子

巫馬子諱施字子旗家語云巫馬期字

顏子諱辛字子柳史記禮殿圖

曹子諱卹字子循蔡人

公孫子諱龍字子石家語云公孫寵衛人

秦子諱商左傳云秦丕茲字子丕家語云

顏子諱高家語云顏

壤駟子諱赤禮殿圖云壤西赤字子

石作子諱蜀家語云石子

公夏子諱首家語云公夏守字乘一字子

后子諱處字子里家語云石處

奚容子諱歲字子借魯人

顏子諱相字子襄魯人

句井子諱疆字子疆一字子界獨里志字

秦子諱祖字子南鄭

康成曰秦人

縣子諱成字子祺家語云字子橫鄭康成曰魯人禮殿圖不載

公祖子諱句茲家語云公祖茲禮殿圖云公孫句茲字子之魯人

燕子諱級字思家語云燕級字子思秦人

樂子諱欬家語云樂欣字子聲魯人一云秦人

狄子諱黑字哲家語云字哲之一云子哲衛人

孔子諱忠家語云孔弗字子莫孔子兄孟皮子

公西子諱蒧家語云公西蒧字子上一作子尚魯人

顏子諱之僕字叔家語云字子叔鄭康成曰魯人禮殿圖不載

施子諱之常字子恒家語云子常魯人

申子諱棖家語云申續史記云申黨禮殿圖云申儻字周一云字子周魯人

左邱子諱明魯人

秦子諱冉字開家語不載

牧子諱皮朱註云未詳

公都子

公孫子諱丑

張子諱載字子厚宋郟縣人

程子諱頤字正叔宋河南人

西廡先賢

林子諱放魯人

宓子諱不齊字子賤魯人

公冶子諱長字子長家語云萇字子芝齊人

公哲子諱哀字季次家語云公西哀字季沉禮殿圖云公哲哀齊人

高子諱柴字子羔鄭康成曰衛人一云齊人

樊子諱須字子遲鄭康成曰齊人一云魯人

梁子諱鯁一云鯁字叔魚齊人一云魯人

冉子諱孺字子魯家語云字子魚一字曾魯人

伯子諱虔字子拆家語云字楷魯人

冉子諱季字子產鄭康成曰魯人

漆雕子諱徒父家語云漆雕從字子文魯人

漆雕子諱哆字子敘家語云漆雕修鄭康成曰魯人

公西子諱赤字子華鄭康成曰魯人

任子諱不齊字選家語云子選鄭康成曰楚人

公良子諱孺字子正鄭康成曰陳人

公肩子諱定家語云公肩字子中晉人一云魯人

鄒子諱單禮殿圖及徐廣胥云鄒單字子家齊人徐廣云太原有鄒縣家語不載

罕父子諱黑字子索家語云罕夫黑字索魯人禮殿圖不載

榮子 諱旗家語云榮祁人物志云榮期字子祺魯人

商子 諱澤字子秀一字子季魯人

左人子 諱郢字行家語云左郢字子行鄭康成曰魯人

鄭子 諱國字子徒家語云薛邦字子從史記作國者以避高祖名薛謙為鄭也魯人

原子 諱亢家語云原抗字籍史記云原亢籍闕里志名挑字子抗魯人

廉子 諱潔史記云廉潔字庸家語云字子庸一字子曹鄭康成曰衛人 禮殿圖有廉瑀附錄

叔仲子 諱會字子期鄭康成曰晉人

公西子 諱輿如家語云公西輿字子上一字子文魯人

邦子 諱異字子斂家語云邦選字子欽鄭康成曰魯人

陳子 諱亢字子亢一字子禽陳人史記不載

琴子 諱張家語云琴半字子開一字子張衛人史記不載

步叔子 諱乘字子車鄭康成曰齊人

秦子 諱非字子之鄭康成曰魯人禮殿圖不載

顏子 諱噲字子聲鄭康成曰魯人

顏子 諱何字冉鄭康成曰魯人禮殿圖不載

縣子 諱直字子象史記不載

樂正子 諱克

萬子 諱章

周子

諱敦頤字茂叔宋營道人

程子

諱顥字伯淳朱河南人

邵子

諱雍字堯夫宋范陽人

東廡先儒

公羊子

諱高齊人

孔子

諱安國字子國至聖十一世孫漢魯人

毛子

諱萇字長公漢趙人

高堂生

漢克人

鄭子

字康成漢高密人

諸葛子

諱亮字孔明漢瑯琊人

王子

諱通字仲淹隋龍門人

司馬子

諱先字君實宋夏縣人

胡子

諱安國字康侯宋崇安人

尹子

諱焯字彥明一字德克宋洛人

呂子

諱祖謙字伯恭宋婺州人

蔡子

諱沔字仲默宋建陽人

陸子

諱九淵字子靜宋金谿人

陳子

諱淳字安卿宋龍溪人

魏子 諱了翁字華父宋邛州人

王子 諱栢字會之宋金華人

許子 諱衡字仲平元河南人

許子 諱謙字益之元金華人

王子 諱守仁字伯安明餘姚人

薛子 諱瑄字德溫明河津人

羅子 諱欽順字允升明泰和人

陸子 諱隴其字稼書平湖人

西廡先儒

穀梁子 諱赤字元始魯人

伏子 諱勝字子賤漢鄒平人

屈子 諱蒼一云倉字近君漢東海人

董子 諱仲舒漢廣川人

杜子 諱偃師人漢偃師人

范子 諱甯晉順陽人

韓子 諱愈字退之唐南陽人歐陽子 諱修字永叔宋江西人

范子 諱仲淹字希文宋吳縣人

胡子 諱瑗字翼之宋如臯人

楊子

諱時字中立  
宋將樂人

羅子

諱從彥字仲  
素宋南劍人

李子

諱侗字愿中  
宋劍浦人

張子

諱栻字敬夫  
宋綿竹人

黃子

諱幹字直卿  
宋閩縣人

真子

諱德秀字景元更  
字景希宋浦城人

何子

諱基字子恭  
宋金華人

趙子

諱復字仁甫  
元德安人

金子

諱履祥字吉  
父元蘭溪人

陳子

諱滄字雲柱  
元都昌人

陳子

諱獻章字公  
甫明新會人

胡子

諱居仁字叔  
心明餘干人

蔡子

諱清字介夫  
明晉江人

崇聖祠在正殿後東北舊為啟聖公祠

國朝雍正三年

欽改為崇聖祠追封孔子五代王爵復以張載父迪從

祀

正殿



肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

諱無繇字路家語云顏繇字季路禮殿圖云顏無由顏子父

先賢孔氏

諱鯉字伯魚至聖嗣子思父

在殿內東西向

先賢曾氏

諱點史記云曾蒧字皙家語云字子皙曾子父

先賢孟孫氏

諱激字公宜魯公族孟孫之後孟子父

在殿內西東向

東廡

先儒周氏

諱輔成敦頤父

先儒程氏

諱珦字伯溫顯父

先儒蔡氏

諱元定字季通沈父

西廡

先儒張氏

諱迪載父

先儒朱氏

諱松字喬年熹父

名宦祠在戟門左

鄉賢祠在戟門右

忠義孝弟祠在鄉賢祠南雍正五年知縣羅著藻建

節孝祠在察院巷西舊爲太守行署

社學今廢

射圃今廢

昭餘書院舊社學基知縣王時英改爲射圃建廳三楹

廳基爲鄉官許台僂捐康熙十二年知縣陳祖法又

改爲昭餘書院後廳三楹爲祁大夫祠詳載藝文志

重建鄧侯祠記及昭餘書院記

制書四書大全一部五經大全各一部性理大全一部

通鑑一部孝順事實一部爲善陰騭一部

學田地會善村共水地四段第一段新渠地係東西

畛計地舊賦役壹拾畝新丈爲壹拾壹畝陸分內磚

井二眼第二段范家地係東西畛舊賦役伍畝新丈

爲伍畝肆分柒釐內磚井一眼內渠地壹分陸釐第

三段長畛地係東西畛舊賦役壹拾畝新丈爲壹拾

貳畝內磚井一眼第四段梁城地係東西畛計地舊賦役壹拾貳畝新丈爲壹拾貳畝叁分貳釐內磚井一眼共舊賦役地叁拾柒畝叁分陸釐新丈爲肆拾壹畝伍分伍釐地價照舊賦役叁拾柒畝叁分陸釐作價銀壹百壹拾貳兩捌分外井價銀柒兩玖錢貳分共價銀壹百貳拾兩整 水分奉帖立碑官渠水分往日三十四日一週今後以三十五日一週生員王興等官渠渠長渠宗賢馬文清羅三仁閻讓楊一經王普郝冲遜等卽便執帖每遇官渠使水勿論春

夏秋冬三十五日一週則是此一晝夜水分係學渠水先年暫用卯辰巳午四時上至王村末挨次使水灌溉學田其未申酉戌亥子丑寅八時年遠混入民間生員馬中龍等力請知縣郭簿改正學水一晝夜租課照舊賦役收租每畝秋七夏三折銀柒錢草五束共折銀貳拾陸兩壹錢壹分肆釐貳毫草壹百捌拾柒束 糧銀照新丈地納糧每畝捌升貳合折銀玖分貳毫共地四十一畝五分五釐該官數三兩七錢四分七釐八毫外雜費銀三錢七分共該納銀

四兩一錢二分二釐 督租從首齋長收管待出貢  
後交與次齋長挨次輪流凡一切收租納糧共草等  
項俱以首齋長爲主而衆齋長輔焉 收租奉帖文  
批允每年計其所入散與諸生不論貧富一概均分  
諸生中有將學中公禮全出者全領半分者領一半  
不出者分毫不與永爲定規不得反悔

又學田二十六頃一十六畝五分曉義村共谷三十一  
石四斗七升二合三勺大義村共谷六石一斗四升  
六合八勺張家堡共谷三斗七升牛家堡共谷七斗

北堡村共谷二石二斗二升九合太谷沙堡共谷四  
石九斗一升四合五勺程家莊共谷一斗九升二合  
五勺張莊共谷九升雅安村共谷二斗二升北谷豐  
共谷一斗九升五合范公村共谷五斗六升左東村  
共谷一石七升六合六勺豐澤村共谷七石一斗九  
升一合一勺南左村共谷六斗朴村共谷四斗四升  
以上共谷五十八石四斗九升六合五勺係倉房收  
管每年廩生二十名每名給谷一石四斗六升二合  
四勺貧士十八名每名給谷一石六斗二升四合九

勺三抄 又學田四畝在縣東三合村雍正時知縣  
羅著藻捐每歲納租銀貳兩

學額明洪武初令縣學二十人給廩膳宣德三年增廣  
生如廩膳之數正統十二年於常額之外選軍民子  
弟願入學者每生優免二丁克附學生

國朝順治十三年定額祔爲中縣支童每科歲兩試進  
十二人武童歲試進十二人廩生二十人增廣生如  
之新入者克附生

田賦丁賦 稅課用

禹貢總銓粘服與厥篚并詳爲粟米力役布縷之權  
與太宰九職間師八事及唐之租庸調胥本諸此今  
之田賦丁賦稅課亦猶行古之道也祔東南皆山平  
衍可疆理者惟西北東南巖而西北紕地非沃饒然  
爲四達衝衢供億繁費牧斯土者寓撫字于催科寬  
一分使民受一分之惠庶仰副

國家子惠元元之至意也夫志田賦

明原額官民地五千二百五十頃一十六畝一分四釐

七毫四絲二忽分爲水上中下四等徵糧

國朝官民地五千一百七十頃五十九畝捌分徵夏稅  
麥柒千捌百玖拾石肆斗叁升柒合玖勺內起運貳  
千玖百貳拾玖石肆斗存留肆千玖百陸拾壹石叁  
升柒合玖勺秋糧壹萬陸千玖百叁拾石貳斗肆升  
捌合柒勺內起運捌千叁百叁拾叁石貳斗存留捌  
千伍百玖拾柒石肆升捌合柒勺共徵糧貳萬肆千  
捌百貳拾石陸斗捌升陸合陸勺今實在民田伍千  
壹百陸拾頂貳拾柒畝捌分肆絲陸忽分爲水上中

下灘五等徵糧夏秋共徵糧貳萬肆千柒百叁拾肆  
石陸斗壹升柒勺伍抄玖撮柒圭壹粒內

本色糧壹千叁百柒拾叁石叁斗貳升貳合肆勺柒抄  
肆撮捌圭伍粒貳粟

折色糧貳萬叁千叁百陸拾壹石貳斗捌升捌合貳勺  
捌抄肆撮捌圭伍粒捌粟

帶徵馬草叁萬肆千貳百貳拾束肆分玖釐貳毫正價  
并腳價共折徵銀叁千伍拾壹兩捌錢柒分壹釐叁  
毫陸絲

站銀照夏秋稅糧共徵銀壹千玖百壹兩伍錢陸分柒釐

農桑絲絹共玖拾捌疋內本色絹柒拾捌疋每疋徵銀壹兩叁錢折色絹貳拾疋每匹徵銀柒錢零絲玖兩陸錢正徵并鋪墊腳價共銀壹百陸拾壹兩捌錢捌分捌毫

加增地畝銀肆千陸百叁拾捌兩貳錢玖分壹釐叁絲額外新增豐贍庫糧壹拾壹石壹斗叁合陸勺柒抄玖撮貳圭夏秋并馬草共徵銀玖兩肆錢陸分叁毫叁

絲肆忽陸微柒纖捌沙肆塵

太原左衛坐落屯地四處 雅安屯地壹拾陸頃陸拾陸畝叁分陸釐陸毫伍絲糧柒拾捌石壹斗柒升叁合張家堡屯地壹拾頃捌拾玖畝伍分柒釐陸毫伍絲糧壹百伍石捌斗壹升陸合陽羽東屯地貳拾頃捌拾貳畝肆分陸釐陸毫伍絲糧壹百叁拾叁石陸斗捌升壹合陽羽西屯地貳拾肆頃肆拾伍畝伍分柒釐陸毫伍絲糧壹百壹石叁斗叁升叁合玖勺今實在屯地共柒拾伍頃肆拾壹畝玖分叁釐壹毫陸

絲共徵本色糧肆百貳拾柒石叁斗貳升柒合伍勺  
陸抄玖撮

王田坐落本縣銀柒百玖兩叁錢貳分玖釐貳毫捌絲  
以上民田屯田更名田原額并開墾實在熟地共伍千  
叁百捌拾壹頃陸畝壹分伍釐陸毫陸忽內

民田地伍千壹百柒拾陸頃陸拾肆畝陸分伍釐肆毫  
肆絲陸忽

屯田地柒拾伍頃肆拾壹畝玖分叁釐壹毫陸絲  
更名地壹百貳拾捌頃玖拾玖畝伍分柒釐

實徵本色糧壹千柒百玖拾壹石玖斗柒升伍合零內  
民米壹千貳百伍石捌斗柒升貳合肆勺零

民黑豆壹百陸拾柒石伍斗肆升肆合伍勺零  
民河灘租穀陸拾石玖升伍勺

屯米叁百伍拾捌石肆斗陸升柒合肆勺零  
折色糧并馬草絲絹地差及窮丁歸入地糧等共徵銀  
貳萬玖千玖百玖拾肆兩叁錢肆分陸釐零

丁賦

明洪武二十四年戶伍千肆百肆拾陸口肆萬肆千貳



百肆拾陸永樂十年戶伍千貳百肆拾捌口肆萬貳千貳百叁拾玖嘉靖十五年至四十年戶如故口增至肆萬柒千壹百壹拾壹萬歷十年戶肆千伍百壹拾陸口伍萬貳百伍

伍拾叁  
國朝編審實在戶伍千叁百貳拾壹口貳萬柒千玖百

康熙五十五年六十年雍正四年九年審編共滋生人五百四十五丁欽奉

恩詔永不加賦

乾隆三十二年四十三年確查土著民人實在其人貳萬捌千玖百壹拾貳丁內除紳衿優免肆百伍拾壹丁外實行差人貳萬捌千肆百陸拾壹丁實該均徭銀肆千玖百壹拾伍兩肆錢柒分貳釐零

雍正四年太原左衛左右二所歸併本縣屯丁陸拾丁該均徭銀叁拾壹兩陸錢肆分貳釐零乾隆拾年爲查辦丁糧等事案內陽曲等七縣均攤來屯丁徭銀伍拾柒兩貳錢貳分貳釐零二項共銀捌拾捌兩捌錢陸分肆釐零於本案內攤入本縣屯地徵收

乾隆三年於仰請酌改匠價之輸徵等事案內奉文匠價銀叁拾肆兩貳錢歸入本縣民地糧銀內徵收例不徵耗

以上地丁等項共銀叁萬伍千叁拾貳兩捌錢捌分叁釐七絲八忽五微二纖七沙九塵二渺八埃七漠

每年解司庫起運銀二萬六千九百八十八兩三錢三分二釐零

每年官俸役食祭祀等銀一千五百一十五兩三分七釐零

知縣俸銀肆拾伍兩

門子二名銀壹拾壹兩貳錢貳分

皂隸一十六名銀柒拾肆兩柒錢伍分陸釐

馬快手八名銀肆拾肆兩捌錢柒分捌釐

傘扇夫三名銀壹拾陸兩捌錢貳分玖釐

轎夫四名銀貳拾貳兩肆錢叁分玖釐

斗級四名銀貳拾貳兩肆錢叁分玖釐

庫子四名銀貳拾貳兩肆錢叁分玖釐

禁卒八名銀陸拾肆兩

民壯三十五名銀貳百伍拾貳兩

縣東西共一十四鋪鋪司兵五十八名每名銀陸兩

共銀叁百肆拾捌兩

捕快八名每名銀陸兩共銀肆拾捌兩

件作二名學習一名共銀壹拾伍兩

監內更夫五名銀叁拾兩

典史俸銀叁拾壹兩伍錢貳分

門子一名銀陸兩

皂隸四名銀貳拾肆兩

馬夫一名銀陸兩

教諭俸銀肆拾兩

儒學廩膳生員餽廩銀陸拾肆兩

齋夫三名銀壹拾捌兩

膳夫銀壹拾叁兩叁錢叁分叁釐

門斗三名銀壹拾捌兩

孤貧冬衣花布銀壹拾柒兩玖錢叁分陸釐

迎春公費銀伍錢

鄉飲酒禮銀壹拾伍兩

朔望香燭講書紙張筆墨銀伍兩陸錢

文廟崇聖名宦鄉賢春秋二祭社稷壇三祭風雲雷  
雨山川壇八蜡廟各二祭共銀柒拾伍兩壹錢捌  
分

孟夏雩禮祭銀叁兩

邑厲壇三祭共銀壹拾貳兩

祁大夫祭品銀貳兩柒錢

關聖廟仲春仲夏仲秋三祭共銀貳拾兩捌錢叁分  
張都督三祭共銀叁兩

起送赴考正貢旗匾酒席銀陸兩二年一辦共銀二

十二兩

對讀膳錄工食銀叁兩叁錢叁分叁釐三年一辦共  
銀十兩

每年額支驛站銀六千五百二十九兩五錢一分三釐  
賈令驛馬六十四匹四季共支銀二千二百四兩四  
錢二分六釐

馬夫三十二名四季共支銀三百九十六兩四錢八  
分

厰夫九十名四季共支銀八百八十六兩三分六釐  
賈令驛協濟神池趙城三岔站共馬六匹夫三名共  
扣解銀二百四十七兩九錢六分八釐

盤陀驛馬十四匹四季共支銀三百二十一兩四錢三  
分二釐

馬夫五名四季共支銀五十三兩一錢

所夫三十五名四季共支銀二百九十八兩二錢五  
分二釐

盤陀驛協濟賈令驛殺虎口保德州共馬十匹夫四

名共扣解銀三百七十兩八分

扣解各案裁減銀一千四百二十六兩二錢三分五

釐

扣解夫馬小建銀七十兩五錢四釐

扣留兩驛官支銀二百五十五兩

存留解司銀一百一十二兩一錢五釐

戶部料銀二十二兩六錢八分一釐脚價銀二錢一  
分九釐

農桑銀一十八兩七釐

時憲書紙價銀一十二兩

新中進士旗匾賀儀銀三兩三錢三分三釐

三年一辦共銀

十兩

餞送舉人會試盤纏銀三十二兩

三年一辦共銀六十六兩

本府餞送舉人會試銀五錢三分三釐

三年一辦共銀一兩六錢

新中舉人花紅酒席銀二兩五錢

三年一辦共銀七兩五錢

武舉會試盤纏銀六兩

三年一辦共銀一十八兩

舉人坊牌銀一十三兩

三年一辦共銀三十九兩

本府辦買本色顏料銀六錢二分一釐零

本府黃絲一十斤一十一兩二錢九分九釐徵銀一

十一兩二錢一分一釐零

稅課附

酒課商稅契稅頭畜牙當等稅共銀一千二百八十七

兩四分九釐

酒課銀一十九兩閏月銀一兩五錢八分三釐

契稅正額銀五十八兩五錢五分一釐盈餘銀一百

六十一兩七錢

頭畜稅正額銀一十八兩三錢三釐盈餘銀一百三

兩二分

原額商稅銀一百六兩五分九釐閏月銀八兩八錢四分

溢額商稅銀三十八兩八錢七釐閏月銀三兩二錢三分六釐

猪羊稅盈餘銀八十二兩五分

棉花稅盈餘銀八十兩五錢

牙帖稅銀一百二十五兩四錢

營稅銀四百八十兩

祁縣志卷四

祁縣知縣陳時編輯

風俗

郡縣志齊稱祁邑風氣剛勁俗尚勤儉蓋邑處堯城平陶之間爲古者

者與祁同

國有唐之遺風焉故其俗好

儉深思而戒於逸樂又地當西北得天地嚴凝之氣天地之義氣也故人崇節義多勁直之氣操移易之權者因民之質而利導之使儉中禮制勇登明堂道德一而風俗同豈不盛歟志風俗

吳季札觀樂爲之歌唐曰思深哉其有陶唐氏之遺民

乎不然何憂之遠也非令德之後孰能若是

春秋傳

唐風土瘠民貧勤儉質朴憂深思遠有堯之遺風焉

詩傳

自堯而至於周蓋千餘年矣而其風俗流傳固結於唐  
人之心故其民間質實勤儉之習親愛和樂之思警

戒忠告之情備見於詩此其俗之所以爲厚也

安城

劉氏詩說

晉有唐虞之遺風其俗節財而儉嗇

北齊劉子

唐俗勤儉勤者生財之道儉者用財之節聖人教人不

越乎勤儉而已

豐城朱氏詩說

人物輩出代不乏人皆有文武全才

圖經

盡力耕稼留心織紡

山西通志

民多剛勁力耕稼務織紡

太原府志

俗尚勤儉男耕女織殆無遺力士修實行人崇節義多

勁直之氣

舊志

正月元日風起祀神祀先畢子孫拜賀尊長親朋遞相

拜賀立春日觀土牛帖宜春字茹春餅十五日上元

節懸花燈設鰲山放煙火絃歌徹夜十六日縱遊郊

野二十日二十五日各家搬取水土謂之添倉 二



月二日食黃蒸先一日晚以竈灰圍宅避諸蟲入社  
日祀土穀之神春分日釀酒拌醋 三月三日昧旦  
以楊柳枝鞭寢室四隅禳除蛇蝎諸蟲清明節祭掃  
墳墓添土亦有前三日舉行者豎鞦韆放紙鳶二十  
八日縣西北五里中嶽廟會貨物雜集遠近遊人爭  
相貿易 四月八日祁城紫紅各有湯王廟會如中  
嶽云 五月五日端陽節祀先戴艾懸艾虎飲菖蒲  
酒採百草射柳爲樂小兒繫五色壽絲親朋作角黍  
相贈 六月六日晒衣儲水造麩醬 七月七夕女

子設酒果拜織女以乞巧十五日中元節取麻穀設  
瓜果以祀先 八月社日祭如春社十五日中秋節  
家設酒肴果餅玩月 九月九日重陽節釀菊酒蒸  
花糕以相餽贈或約伴載酒登高賦詩 十月一日  
拜祭祖塋焚寒衣十五日下元節設齋醮祀水神  
十一月冬至日祀祖先 十二月八日食臘八粥三  
十四日掃塵祭竈除夕易門神桃符陳祀儀民多嫁  
娶

昏嫁士大夫量家貧富畧做六禮行之女家粧奩亦量

力從厚然齊民指腹割襟乘凶扶親之陋不能盡無非士大夫所能化而止也

喪禮士大夫家多做家禮舉行鄉僻里閭不免事陰陽拘忌供佛飯僧者

祭禮士大夫家有祠堂者行如禮民間多設位便室祀之若歲時祭掃無士民一也

燕集鄉黨序齒惟親與遠賓與有爵者則別序若迎勞出餞特舉者又以專名爲上客獻酬一如常儀今皆讓左

慶弔嘉禮有贈儀凶禮有賻儀貧者相飲助焉或遠不相及則再拜遣使以問之

送迎尊者遠行出送卑者五里敵者三里親者十里祖道餞贐如常儀遠歸出迎亦如之若尊長則俟其歸往省焉

塗遇見尊長則揖而俟其行若尊者長者敵者乘則趨而避之或皆乘於尊長避之或不可避側焉以俟其過于敵者分道鞭揖或已乘而值徒者便則避否則下而揖之俟遠乃乘尊長雖避已必下而揖焉

農家月令 立春喂耕牛 雨水攪糞土 驚蟄河半

開 春分種小麥 清明前後種蕎麥又云二月清

明草不青三月清明道傍青 穀雨種豌豆 立夏

種穀 小滿前後安瓜種豆 芒種忙種黍子急種

穀又云芒種見鋤刃 夏至見豆花又云夏至不種

高山黍還種十日小糜黍 小暑吃大麥又云小暑

當日回 豌豆此日 大暑吃小麥 立秋一十八日

寸草皆齊 處暑不出頭割得喂了牛 指高 白露

吃小穀 秋分見穀籬 寒露百草枯 霜降不賸

田 甚青野

立冬不使牛 小雪凍大河 大雪凍

小河 冬至不開窖 小寒寒不小 大寒不加冰

物產

鹽法附

周禮太宰以九職任民首重三農謂平地山澤也祁  
有昌源通光迴馬谷諸水源皆數十百里而近暴雨  
泛溢涸可立待無川澤之利東南多山西北地平然  
山鮮草木地多斥鹵城趙北左諸村貧民掃取其土  
煎鹽易食故祁邑行河東之引而不食河東之鹽府  
志謂之礲瘠其信然乎然廣生大生地不愛寶勸力  
興利惟有司之牧夫志物產

穀屬

黍 有軟硬二種  
軟宜釀酒

稷 有大小  
二種

粱 粒細而  
色白

麥 有來牟二種  
又有宿種  
春種麥之佳者出南原

蕎麥

芝麻 麻子

豆 有黑紫黃  
豌豆九種

菊秫 有軟硬  
二種

荳稗

菜屬

葱 薑 蒜 芥

芹 茄 匏 蒹

蕨 莧 臺菜 有青白二種

萬苣 葫蘆 蔓菁 芫荽

蒼蓬 苜蓿 蘿蔔 有胡白冰三種

馬齒莧 薯蕷 菜豆 絲瓜

冬瓜 西瓜 南瓜 北瓜

甜瓜 王瓜 有夏秋二種 菜瓜

地王瓜 劉泉瓜 香瓜

果屬

桃 有夏秋  
二種 李 有赤黃  
二種 杏 有黃白赤  
且數種

梨 有黃香  
水三種 棗 有長圓大  
小四種 果 有紅沙  
二種 核桃

無花果 櫻桃 葡萄 石榴

軟棗

柿

木屬

桑

榆

槐

柳

松

栢

椿

楸

楊

楸

花屬

萱草

石竹

葵

有紅白紫大小數種

菊

有紅白黃紫數種

芍藥

永紅

月季

米穀

十樣錦

夜合

鷄冠

有紅白二種

粉團

山丹

捲丹

刺玫瑰

鳳仙

望江南

滿天星

草屬

茶

蓼

蒿

葦

莠

茅

荻

蘆

莎

艾

蓮

菅

苜蓿

灰藿

香文

牛枝

龍鬚

水稗

馬蓮

天茄

茜

藥屬

王瓜

蘿藦

蓖麻子

黃芩

芍藥

地黃

桔梗

薄荷

遠志

百合

苦參

夏枯草

山大黃

紫蘇

益母草

芫花

葶藶

月令仲夏之月麻草死即葶藶

也。有甜苦二種。

土蒺藜

地榆

沙參

荆芥

防風

茵陳

貝母

甘草

紅花

仙茅

芎藭

板藍根

蜂房

有土馬二種

榆白皮

蘆茅

貫衆

黃蘗

細辛

地骨皮

地龍

苦丁香

青木香

石南榆

甘菊花

車前子

款冬花

酸棗仁

土牛膝

枸杞子

桑白皮

千金子

紅娘子

馬兜鈴

牽牛子

有黑白二種

小茴香

紫花地丁草

獸屬

牛

馬

騾

驢

豕

犬

羊

狐

狸

兔

貍

狼

貓

鼠

田鼠

暗惠鼠

跳兔

鳥屬

雞

有野家石三種

鴨

有家水二種

鴉

有鳥水老白項三種

鵲

鳩

鵲

鵲

泉

雀

燕

鵲

洛浦

黃鸝

華蟲

畫眉

鴨鶩

啄木

布穀

蝙蝠

半翅

蟲屬

蠶

蜂

蠅

蟻

蚊

蝎

蟬

蝟

蝻

蝨

賊

蝶

蛾

螢

蝦蟆

蚯蚓

蜻蜓

螻蛄

螟蛉

蟬蟋

伊威

蝸牛

蜘蛛

斑蝥

蝟虎

蟻蟻

壁魚

螳螂



蝨斯

蛇師

食貨

酒 有燒黃二品

錫

糖

油 有香麻二品

豆粉

蜜

鹽城趙北左胡帳等村多鹵地不生禾苗貧民掃取其土煎鹽易食通志曰太原諸屬水性土脉多鹹遠望之似水近卽之似積雪人率刮取實水池中於池前埋小甕以濾鹽汁汁成入鍋煎三晝夜鍋得鹽可斗許色微黃所謂天生曰鹵人生曰鹽者是矣明李

敏疏曰太原地瘠不毛者強半人皆瀝土取鹽以供賦稅雖得微末利然艱苦亦已甚矣

硝取鹽之渣滓再加煎煉遂成硝

黃蠟

葦席

皮

氈貨

柳器

麻履

鹽法附

河東大鹽池在中條山北麓解州安邑之間說文河東鹽池袤五十一里廣七里周總一百十六里

行河東之引者三省山西河南陝西山西省額引二十

二萬三千一百六引太原汾州寧武三府屬遼沁平  
保忻代六州屬共四十二州縣額引四萬三千九百  
八十五道係鹽稅皆領河東之引而不食河東之鹽  
領引繳引皆係管鹽同知知州

祁縣額行一千五百五十四引額解鹽稅銀六百二十  
三兩三錢九分四釐餘平銀一十五兩五錢八分五  
釐共解銀六百三十八兩九錢七分九釐

按祁煎戶小鹽池共五百八十面每池納稅六錢餘  
則行差丁口攤補以敷解額

古蹟 墳墓 坊表附

詩曰自古古曰在昔昔日先民古往矣而殘文餘畫  
廢址遺墟極之一名一物尚友之士發思古之幽情  
猶將三復咨嗟徘徊而不忍去况展其墓而精美可  
憑式其間而坊表斯在乎祁古名區名賢碩德彪炳  
史冊臨文歌誦雖南海北海皐然神遊生長於斯者  
凡豪強之占隱風雨之剝蝕牛羊樵採之踐履蹂躪  
固宜相與整頓而維持之也志古蹟

古耆國舊志祁邑源流考炎帝姓伊耆氏蓋以初國伊

繼國者也黃帝之子得姓者十四人而祁爲首帝堯  
生於丹陵徙於祁故亦姓伊耆左國史鑑竹書開山  
等書僉同伊祈祁本一字今祁北四十里堯城南五  
十里平陶俱稱帝堯始封地相傳縣東六支村有帝  
行宮

晉舅犯故里在縣北三里周惠王二十三年狐偃從重  
耳出亡及柏谷卜適齊楚偃曰無卜焉夫齊楚道遠  
而望大不可以困往道遠難通望大難走困往多悔  
困且多悔不可以走望若以偃之慮其狄乎夫狄近

晉而不通愚陋而多怨走之易達不通可以窳惡多  
怨可以共憂今若休憂於狄以觀晉國且以監諸侯  
之爲其無不成乃遂之狄

按團柏谷今在縣東南三十里

昭餘祁

見山川

古縣村在縣東南十五里爲古祁氏邑有上下二村

祁城村在縣東南七里晉祁侯李憲所築址存後魏徙

今治

郃城西南七里左傳晉絕秦書焚我箕郃今爲高城村

址微存

按祁縣離秦邊千里秦兵豈遽能至此然陽邑箕城其說已久箕部庸或接壤

趙襄子城西北八里圖志趙襄子所築

按北魏志祁縣有祁城趙襄子城

秃髮城東北十五里相傳秃髮烏孤築今大賈村

按秃髮僞檀子源賀為魏太尉或築此

隆舟城東南三十里即隆州故城圖志五代時劉繼元築以拒周河東記宋太平興國四年克嵐州因次隆

州有遺址在今團栢鎮之東

沙城西五里相傳後燕慕容垂築址存舊志八景有沙

城斷碑注云舊有遺碑文不可辨羅者於此獲一鴈

俄一鴈墮翮據碑哀鳴淚血成石華鴈死碑斷

楊六郎城東南二十五里洛陽村址存

賈令鎮北十五里晉賈辛為祁大夫相傳民德之故名

今鎮北有召憇亭知縣張松建

幘州故址縣東三十里金史貞祐中尚書左丞胥鼎議

於縣東團栢鎮置幘州縣屬之尋廢

義井城東南察院巷元義門溫義之井

麓臺銘在麓臺山宋大學士張商英撰

天聖鐘在縣治大門譙樓宋仁宗天聖二年造高四尺

圍一丈二尺

墳墓附

周

大夫祁奚墓在縣南七里榮仁村北周圍四十八步碑

剝落

按太平寰宇記奚墓在聞喜東二十二里

祁午墓在奚墓右周圍三十步並見聞喜縣

漢

隱士周黨墓在小韓村東南周圍一百步零三尺

護羌校尉溫序墓在縣西北修善村建武中死節光武

賜葬洛陽其子夢序言久客思故鄉乃遷葬於此

司徒王允墓在縣西北修善村西長二十五步濶二十

步

梁

大司馬王僧辨墓在縣東南大桑村北長二十四步濶

十六步石人猶存

北齊

晉昌王唐邕墓在大韓村東南北長五丈五尺東西濶  
三丈七尺高一丈二尺有碑剝落

按北齊書唐邕字道和太原晉陽人其先自晉昌徙  
焉天統中官侍中護軍遷右僕射又遷尚書令封晉  
昌王錄尚書事舊志晉昌訛普昌邕訛邑今更定

應州刺史唐義墓在小韓村東南周圍四十步高一丈  
一尺

按唐邕長子君明隋開皇初終應州刺史義當卽君

明

太常卿唐鑑墓在大韓村唐邕墓西南周圍一十八步  
高一丈

按唐邕次子君徹隋順戎二州刺史又按唐書唐儉  
傳祖邕北齊尚書左僕射父鑿隋戎州刺史鑑當卽  
君徹

韓彥祖墓在白圭鎮西南高二丈八尺長三十二步濶  
三十二步

唐

李淳風墓在縣東三十五里白圭鎮驛堂前舊墓在徐  
溝縣河溝驛明嘉靖間地塌出小碑云吾是唐朝一  
地仙五百年前一見天上覆徐州王大尹將予葬在  
白圭南因移葬白圭之南

通志

范鑾冑墓在縣西六里白圭村沙城南周圍三十八步  
斷碑僅存

黎國公溫大雅墓在縣東北五里會善村東周圍九十  
步高二丈

清河郡公溫大有墓在縣東北三百八十步長二十三  
步四尺北濶九步三尺中濶十步一尺南濶十步二  
尺

處士段大隱墓在東六支村東北段干木之裔東西二  
十二步南北二十步

元

尚書程日新墓在縣東北十里高村東長二十七丈五  
尺濶七丈一尺石柱石人石羊虎各四碑文剝落

明

知縣郭秩墓在縣東三里三及村南

大理寺少卿古鏞墓在縣東北一里

御史楊璉墓在縣南六里下申村西南

知府麗瑄墓在縣東三十里南梁村

憲副閻睿墓在縣東北二里會善村南

知縣閻繩芳墓在睿墓右

勅贈員外郎馬天祿墓在縣東三里三及村北

勅進承德郎戴賓墓在縣東南一十八里元臺溝北

誥贈都水司郎中李鎰墓在縣東三里會善村南

工部郎中李熹墓在縣東三里會善村南

布政戴光啟墓在縣東南四十里地名壽莊

知州李自問墓在縣南二十五里南建安村西

舉人馬雲駟墓在縣東北三十里魯村南

坊表

附

進士坊六爲古鏞楊璉龐瑄閻睿閻繩芳李熹立

蟾宮坊爲舉人袁平立 連桂坊爲舉人楊璉立

繼美坊爲舉人龐瑄立 登雋坊爲舉人閻景立

步蟾坊爲舉人張泰立 觀光坊爲舉人王昂立



扶搖萬里坊爲舉人孔忻立

龍門躍浪坊爲舉人韓文珍立

騰蛟起鳳坊爲舉人閻睿立

飛黃騰踏坊爲舉人武鎬立

攀龍附鳳坊爲舉人王廷美立

鳴鳳坊爲舉人許鴻程立 亞魁坊爲舉人郭儒立

登龍坊爲舉人溫尙武立 登雲坊爲舉人王天爵立

繡衣坊二爲御史高瑤楊璉立

世憲坊爲大理寺左少卿古鏞立

柱史坊爲御史閻睿立

憲副坊爲浙江副史閻睿立

龍勅褒榮坊爲贈經歷許開立

大中丞坊爲都御史孫慎立

鴻臚坊爲序班范琛立

天恩推寵坊爲贈主事馬天祿立

恩綸申錫坊爲贈工部郎中李鑰立

冬官大夫坊爲工部郎中李憲立

青瑣名臣坊爲兵科都給事中戴光啟立

紫薇方伯坊爲河南布政使戴光啟立

西夏干城坊爲陝西按察使戴光啟立

甲第承華坊爲進士戴光啟戴運昌立

綸恩申錫坊爲進階承德郎大名府通判戴賓通奉大

夫河南布政使戴光啟立

明時磨鳳坊爲戶部員外郎戴運昌立

天章煥寵坊爲雄縣知縣許台儁立

節氣凌霜坊爲節婦武氏立

祠廟 寺觀附

國家敬禮明神凡有大功德於民及能爲民捍大災

禦大患載在祀典者靡不秩正規制精詳致爲明

備蓋民爲神之主爲政者成民而致力於神于是

民和而神降之福則禋祀尚矣

本朝重儒術而二氏不之禁者抑亦神道設教牖民

孔易之意歟志祠廟而以寺觀附焉

社稷壇在城西一里許壇崇三尺東西二丈五尺南北

稱之基長二十丈廣一十丈繚以周垣洪武九年建

舊有庫廚齊宿諸房今廢

風雲雷雨山川壇在縣南一里許制如社稷壇洪武九年  
年建

先農壇在縣東郊雍正五年建

共地六畝六分

邑厲壇在縣北百步許制如社稷壇洪武九年建

民祭壇明初每坊都各爲一所歲時祈報今不盡存麓  
臺坊在倉場前左西關廂在邢公嗣迤東街北三及  
都在村西南會善都在村北王村都在村西北大韓  
都在村北閻漫都在村西北邢城都在村北榮仁都

在村西北張止都在村北大安南都在村北城趙都  
在村東南王喬都在澗村北岡上修善都在村西北  
大義都在村迤西東管都在村西北上段都在村西  
南賈令都在村西北餘俱無考

城隍廟在縣治東元許仲義等建順治八年重修

土地祠在縣治內儀門左知縣張應舉重修

馬王廟在縣治西

八蜡廟在西陽翼村

中嶽廟在縣西北七里宋時建歷代增修元至元中教

論李之芳記云相傳昔人載玉主過此有按象不舉之異遂立廟云

文昌宮一在縣城東門外康熙十二年建一在縣西北七里城趙村康熙四十一年建

按神姓張諱亞子其先越嶠人西晉丁未二月三日生又按文昌六星在北斗魁前爲天之六府道家謂上帝命梓潼神掌文昌府事及人間祿籍

龍王廟有二一在縣東南麓臺山頂有古洞入景中麓臺龍洞卽此一在城北門外雍正七年知縣羅著藻

### 重修

二帝行祠在東六支村祀堯舜二帝元大德明嘉靖間胥重葺

成湯廟二一在祁城都元至元中建明嘉靖中徙置舊址北三十餘步一在紫紅鎮雙泉山半金大定中建元主簿何世祿記明一統志昭餘祁藪創祀成湯歲旱土人爆沙聚祠中置瓶其上以禱得水輒應

唐叔虞祠有二一在縣東北二十里名晉王廟一在縣東南二十五里名興安王廟

府志

利應侯廟祀狐突有二一在西建安村北金大定間建  
邑人溫昉記一在縣東南一里周圍土臺三畝餘

祁大夫祠有二一在郃城村隆慶間重建一在西關知  
縣張松建記載改西郭觀音堂爲祠以祁午羊舌赤  
配後廢爲射團康熙十二年知縣陳祖法復改射團  
爲祠前爲昭餘書院乾隆二十四年知縣馮元邁重  
修

按左傳杜註祁大夫祁奚也食邑於祁因以爲氏祁

縣今屬太原

通志

主司徒祠一在修善村司徒墓西北明嘉靖知縣吳大  
道建一在西關馬王廟東知縣朱理建

三義廟在西管村

關聖廟在城二一在儒學巷北元延祐七年建弘治嘉  
靖間重修邑人戴賓記一在北門月城內隆慶四年  
建其建於各村鎮者不悉記

潤濟侯廟祀魏南鄉侯王淩俗稱麓臺神禱雨輒應在  
東南麓臺山頂宋宰相張商英建

溫氏先賢祠在會善村西北縣令吳大道建祀溫序大

雅彥博大有諸賢胥祁人也

張都督祠舊在西六支村今改建東門外明嘉靖二十一年六月俺答駐帳縣北三日七月屯祁縣叅將張世忠與副總兵段堂游擊張文懿叅將何堂劉維禩合五營兵襲之至六支村段堂軍潰文懿等引避獨世忠力戰困重圍下馬屢創疾鬪首中二矢死百戶張宣張臣亦死因建祠祀之以百戶張宣張臣附

李公祠二一在縣南門外一在縣北門外今俱圮公諱元陝西同州人萬歷間任詳名宦

萬公祠在縣東門外張都督祠後公諱象新江南宜興人詳名宦

姚公祠在縣北門外李公祠旁今圮公諱黼江南長洲人康熙間任詳職官

寺觀

附

上生寺在縣治南金明昌年建明嘉靖二年改建置僧會司

石佛寺在城內舉善坊金明昌年建

善音寺在城內舉善坊明宣德年建

三教寺在縣治北關外明崇禎間建邑人李而洵撰碑  
記

明覺寺在縣東北三里會善村元延祐三年建

隆興寺在縣南三里郭村成化二十二年建

仁濟寺在縣西五里東冀都金明昌元年建

清真寺在縣西五里東冀都元至元五年建

清淨寺在縣西北五里北谷豐村元延祐三年建

淨信寺在縣東南七里祁城村金明昌元年建

慈智寺在縣東北七里王村明正德六年建

普照寺在縣西北八里城趙都金明昌二年建

福興寺在縣北八里豐澤村元至順年建

法林寺在縣東南十里小韓村元延祐四年建

普寧寺在縣西北十里修善村元大德八年建

惠安寺在縣東北十里西六支村金承安二十年建

教祖寺在縣西南十里榮仁村元至元十八年建

寶勝寺在縣西南十里榮仁村金明昌元年建

集勝寺在縣西十五里西建安村金明昌五年建

勝果寺在縣北十五里東西陽羽二屯中佛像相傳

樹雕成

法嚴寺

生東六支村創於隋開皇年繼修於明正統年及萬曆十八年本朝乾隆九年遠吉募化重建

興梵寺在縣東二十里西管村宋天聖三年建

延壽寺在縣東北二十里張庄村元延祐三年建

仁王寺在縣西北二十里西陽羽村金明昌三年建

悟真寺在縣東北二十五里上真都明嘉靖八年修

洪福寺在縣東南二十五里梁村元大德三年建

清法寺在縣東南二十五里中梁都元延祐五年建

洪濟寺在縣北三十里北左村元延祐四年建

觀音寺在縣東南三十里大安南村元時建

聖覺寺在縣東南三十五里子洪鎮金明昌七年建

妙因寺在縣東北三十五里白圭鎮金明昌元年建

幽仙寺在縣東南六十里下嶺山宋宣和二年建諸仙

禪師棲此徒全福受法焉

太清觀在縣治麓臺坊街元至正二年建置道會司

延祥觀在西關廂街北元至元四年建

通元觀在縣東南十五里故縣村今廢

保真觀在縣東二十五里東管村金明昌三年建



刑部志 卷四  
玉真觀在縣東南二十五里澗壑村東明嘉靖二十七年改建

遇真觀在縣東北四十里曉義村元大德三年建

玉清觀在水馬

今失考

福生堂在縣小西街康熙二年建今名七聖廟

藥王廟在大清觀後康熙四十三年知縣朱瑄建

玉皇閣有二一在西關廂西北隅城垣上神銅像乾隆

二十年重修一在來遠鎮北門明正德元年建

真武樓在盤陀鎮北門明弘治八年建

鎮河樓祀釋迦佛在賈令鎮南門明天順間建嘉靖間

重修閻繩芳記乾隆三十六年復修

玄天閣在賈令鎮北樓明嘉靖間建乾隆三十六年重

修

文昌廟坐曉義村建自康熙年間年遠傾圮邑人程作

賢等募化重修復增建魁樓時乾隆三十五年

文昌廟坐張庄村建自康熙六年乾隆四十四年重修

有邑人李現昇碑記

仁壽庵縣東三十里許有仁壽庵考之碑記庵創於大

清康熙二年有僧人悟朗念子洪白圭相距三十里  
有奇往來行人苦無棲息之所爰結廬是間施以水  
火以濟行人東觀鎮程大助程奇璋等襄成善舉前  
後施地六十六畝五分建造庵院事竣悟朗端坐而  
終傳之聖忠復行置地八十六畝五分共計地一百  
五十三畝迨乾隆二十二年僧人遠吉增建茶廳三  
楹冬湯夏水迄今不絕行人永賴焉

封爵

詰贈附

行封建於三代以下已非崇德報功之舊猶襲分茅  
胙土之遺漢晉之時列侯得遣就國如緡賀尚傳三  
世李熹遷于祁城是也厥後多膺封號食租入而已  
詰贈爲

國家申錫無疆之盛典忠蓋發於性情不緣褒嘉而始  
勸然推恩先世榮及室家澤深矣而臣人之所以自  
靖自獻者宜何如也志封爵

漢

祁縣志

卷四

封爵

祁侯繪賀高祖六年六月封邑千四百戶諡曰毅孫宅  
國除

晉

祁侯李熹泰始初以佐命勲封

北魏

祁縣侯王思政孝武初以預定策功封又晉太原郡公

唐

祁王李祺昭宗第七子乾寧四年封

祁國公王仁皎元宗時廢后又開元初封子守一繇晉

國公襲後被害

祁國公郭曙子儀第四子

祁縣子溫造太和二年封

祁縣男王璿建中時封

五代晉

祁國公符彥卿開運初封

宋

祁王趙仲僕商王元份曾孫

祁王趙謨徽宗子繇鎮國公晉封

祁王趙維理宗子嘉熙二年十一月追封

祁國公趙允升漢王元佐長子皇祐中爵除

祁國公趙承裔魏王廷美孫

祁國公趙宗說漢王元佐孫

祁國公趙宗述鎮王元偁孫

祁國公趙克頤魏王廷美曾孫

祁國公趙克揚魏王廷美曾孫

祁國公趙偲神宗子元祐元年八月封紹聖四年晉承

寧郡王

祁國公趙竑寧宗時立爲皇子封尋晉濟國公

祁國公王溥太平興國初封

祁國公杜衍皇祐初封

祁國公王德用仁宗時封尋晉冀國公

祁國公富弼英宗初封尋晉鄭國公

祁國大長公主仁宗第十一女曹詩尚主

祁國公主寧宗女生六月而薨追封

誥贈附

明

山東道監察御史高榕之父友勅贈文林郎行在山東  
道監察御史母王氏贈孺人武氏封孺人妻金氏封  
孺人 宣德十年

大理寺評事古鏞之父居勅封文林郎大理寺右寺右  
評事嫡母范氏贈孺人 景泰元年

江西道監察御史楊璉之父英勅贈文林郎江西道監  
察御史母賈氏贈孺人妻王氏贈孺人 天順二年

戶部廣西司主事龐瑄之父唐府教授從雲勅封承德  
郎戶部廣西司主事母白氏封安人妻武氏封安人

直隸永清縣知縣閻睿之父南直上海縣稅課使威勅

贈文林郎順天永清縣知縣母呂氏贈孺人妻劉氏  
封孺人 弘治十七年

陝西固原衛經歷許釗之父開勅贈徵仕郎陝西固原  
衛經歷司經歷母王氏贈孺人妻范氏封孺人 正德  
元年

南京北城兵馬司指揮顏俊之父時名勅贈承德郎南

京北城兵馬指揮司指揮母王氏贈安人妻王氏封

安人 正德十年

戶部貴州司主事馬雲雷之父河南河內縣主簿天祿  
勅贈承德郎戶部貴州司主事母楊氏贈安人妻許

氏贈安人呂氏封安人

嘉靖四十年

行人司右司副李熹之父鑰勅贈徵仕郎行人司右司

副母武氏韓氏俱贈孺人妻王氏贈孺人呂氏封孺

人 隆慶六年

陝西會寧縣知縣戴光啟之母許氏繼母許氏并贈孺

人妻程氏封孺人 萬歷三年

刑科左給事中戴光啟之父原任直隸大名府通判賓

勅進階承德郎母贈孺人許氏繼母許氏并加贈安

人妻程氏仍封孺人

萬歷六年

工部都水司郎中李熹之父贈徵仕郎行人司右司副

鑰誥贈奉政大夫工部都水司郎中母贈孺人武氏

韓氏俱加贈宜人妻王氏加贈宜人繼室呂氏加封

宜人

萬歷六年

兵科都給事中戴光啟勅授文林郎妻累封孺人程氏

仍封孺人

萬歷七年

南京工部都水司主事頡鵬之父生員光耀勅封承德

郎南京工部都水司主事母范氏封安人妻趙氏封

安人 天啟四年

南京工部都水司郎中頡鵬之父封承德郎光耀誥封

奉政大夫母范氏封宜人妻趙氏封宜人 天啟六年

湖廣潛江縣知縣李自問之父工部都水司郎中憲誥

贈奉政大夫前母王氏繼母呂氏俱贈宜人母賈氏

贈孺人妻趙氏羅氏桑氏并贈孺人 崇正元年

直隸雄縣知縣許台儔之父生員嘉賢勅贈文林郎雄

縣知縣母李氏贈孺人妻范氏封孺人 崇正四年

順天良鄉縣知縣戴運昌之父原任河南布政使司右

布政使光啟誥贈通奉大夫母程氏贈夫人妻郭氏

封孺人 崇正十五年

### 國朝

直隸宣化府礮山堡守備郝日暄之父龍翔 勅贈

明威將軍前母楊氏 封恭人 生母戴氏 封恭人

解州訓導馬永年之父步雲 勅贈修職佐郎母程

氏 封孺人

山東東昌府經歷羅世錦之父大輅地 封修職郎母

霍氏馳 封孺人世錦弟國錦任江西廣豐縣縣丞  
馳 封同

廣東嘉應州州同羅維之祖呈錦內閣中書馳 封承  
德郎祖母郝氏馳 封安人父光琬庠生 勅贈  
承德郎母梁氏 封安人

福建建寧鎮總兵郝壯猷之曾祖升吉 誥贈武顯

大夫曾祖母程氏 誥贈夫人祖如璧 誥贈

武顯大夫祖母岳氏 誥贈夫人父國書 誥

贈武顯大夫母程氏 誥贈夫人

福建臺灣都司任萬之祖士毅馳 贈昭武大夫祖母

程氏馳 贈恭人父復光貢生 勅贈昭武大夫

母馬氏 封恭人

福建邵武縣知縣渠輔邦之父名旺 勅贈文林郎

母李氏 贈孺人

山東登寧場鹽大使馬化龍之父名紳 勅封修職

郎母盧氏 勅封孺人



24172

示集

卷四

三

